

Gvangjsih Minzczu Bau

广西民族报 aenhauh okbanj: CN45-0036 B.2021 Nd.6 Ng.23 liggaueuq sincouj nienz ndwenngux cibseiq

Baihguenjbanh:

Gvangjsih Bouxcuengh Swcigh
Minzczu Cunghgyau Swvu
Veijyenzei

Biengauj okbanj:

Gvangjsih Minzczu Bause
Geizsoq: Gungh daih 3479 geiz
Geiz neix 8 banj

Siz Ginbingz Bae Yawjngonz “Langhbaiz Lizsij Cunghgoz Gungcanjdangj ‘Mbouj Lumz Goeknduj、Geiqmaenh Sawjmingh’” 习近平参观“‘不忘初心、牢记使命’中国共产党历史展览”

Sinhvazse Baekging 6 nyied 18 hauh dien. Youq mwh angqhoh Cunghgoz Gungcanjdangj laebbaenz 100 hopbi, Cunghgung Cunghyangh cungjsuhgi、guckgya cujsiz、Cunghyangh Ginhveij cujsiz Siz Ginbingz 18 hauh bae Aen Guenj Langhbaiz Lizsij Cunghgoz Gungcanjdangj, yawjngonz “langhbaiz lizsij Cunghgoz Gungcanjdangj ‘mbouj lumz goeknduj、geiqmaenh sawjmingh’”, caemhcaiq daiq dangjyenz lingjdauj dungzci dauq-cungz doeg vahmieng haeu aendangj. De giengzdih, lizsij aendangj dwg cek sawsonhag ceiq sengdoengh、ceiq ndae gangfug. Bak bi aendangj raeuz, dwg bak bi laemxsim hengzguh mbouj

lumz goeknduj, dwg bak bi gannanz roengz giek cauhnib, dwg bak bi cau cingzcik hungmbwk hai coglaeng ronghsag. Dauqngex diuzroen buekguh byaij gvaq, muenghyawj diuzroen haengguh baenaj baihnaj, aeu hag ndei、cunggez ndei lizsij aendangj, swncienz ndei、fatiengz ndei gieniemh dijbauj aendangj, geiqmaenh gij ginglig buekguh, rapdawz sawjmingh lizsij, daiq ndaw lizsij buekguh aendangj hag aeu gij ndei hawj raeuz baenaj. Aeu son'gyauq dazyinx gyoengq dangjyenz、ganbu doenggyaq yawjngonz hagsib, gagrox bae mbouj lumz goeknduj、geiqmaenh sawjmingh, gyagiengz “seiq aen yisiz”, giendingh

“seiq aen gagsaenq”, swhsienq cwnqci hengzdoengh caeuq dangj-cunghyangh baujmaenh doxdoengz, giendingh lijsienq saenqniemh, hag ndei yungh ndei gij lijn cauhoq aendangj, laebdaeb hwngfat baenaj, fatiengz cienzdoengz miznaj, fatok gij cozyung guhyiengh daiqdaez, daiq beksingq gak cuz daengx guk doxgiet doxndei, engq ndei laebdin duenh hwngfat moq、gvancez leixniemh hwngfat moq、cauhlaeb gwzgz hwngfat moq, cienzmienh guhndei gajgwz hwngfat onjdingh gak hang hong, comz gij rengz hung cienzmienh hwnjguh aen gukgya yendaiva sevei cuji、saedyienh aen loqsiengj Cung-

guk fukhwng hungmbwk Cunghvaz Minzczu.

Lij Gwzgyangz、Liz Cansuh、Vangh Yangz、Vangz Huningz、Cau Lozci、Hanz Cwng、Vangz Gzsan camgya hozdung.

Yawjngonz sat le, Siz Ginbingz daengj dangjyenz lingjdauj dungzci dauq daengz daihdng saekhoengz aen guenj langhbaiz lizsij aendangj. Najdoiq geizdangj Cunghgoz Gungcanjdangj hoengzfwdfwd haenx, Siz Ginbingz yaengx fwngz gvaz gaemgienz, daiq lingjdauj dungzci dauq-cungz doeg vahmieng haeu aendangj, gij sing vahmieng youq ndaw daihdng goksagsag.



Vunzlai Mbanjmyauz Danq-haenh Aencingz Aendangj

苗山深处颂党恩

6 nyied 19 hauh, Yungzsuij Myauzczu Swciyen Dungdous Cin guh ciet lijyouz byarin gaiq daihseiq nem hozdung “angqhoh laeb aendangj bak bi, caenhrengz lajmbanj hoenghhwng”, vunzlai minzczu vunznoix dangdieg comz youq baihnaj aen laeuzgyong ngamq guhbaenz haenx, doenggyaq ciengq golaux Dungcu, boq aenvenz caeuq diuqfoux daengj hozdung dauqngex doenghbaez danqhaenh aencingz aendangj, angqhoh laeb aendangj ndaej 100 hopbi.

(Lungz Dauh)

Aen Hoih Bauq Cawjdaez Cingzgingj Gij Saeh Senhcin Yiengh-ndei Gaenxguh Seuqcingh Guengjsae Youq Namzningz Banh

广西勤廉榜样先进事迹主题情景报告会在邕举行

6 nyied 18 hauh, Aen Hoih Bauq Cawjdaez Cingzgingj Gij Saeh Senhcin Yienghndei Gaenxguh Seuqcingh Guengjsae youq Namzningz banh. Swcigh Dangjveij suhgi、Swcigh Yinzda Cangzveijvei cujiy Luz Sinhse guh baecih, cukhoh bouxvunz senhcin gaenxguh seuqcingh ndaej byaujcangh haenx, maqmuengh caezgya insik mingzdaez、laebdaeb roengzrengz, youq gyaenz gangjvei gingq saehnieb、gaenxguh vih beksingq、banhsaeh seuqcingh daengj fuengmienh engq ndei fatok gij cozyung daiqdoengh guhyiengh.

Luz Sinhse giengzdih, gak dieg

gak bouhmonz daengx gih aeu giethab hagsib son'gyauq lizsij aendangj, gya rengz hagsib senhconz senhcin okhingz, laebdaeb gyagiengz hwnjguh aendoih ganbu, doidoengh guhbaenz gij heiqaenh ndei hag yienghndei gaenxguh seuqcingh、cengguh ganbu gaenxguh seuqcingh. Dangjyenz ganbu daengx gih aeu nyinhcaen hagsib gvancez doeksaed gij gangjvah youq-gaenj caeuq gij cingsaenz gangjvah youqgaen mwh Siz Ginbingz cungjsuhgi cazyawj Guengjsae haenx, aeu senhcin okhingz guh yienghndei, cengguh ganbu ndei miz saenqniemh giendingh、vih beksingq fugsach、

gaenxguh saedguh、gamj rapdawz、seuqcingh, gyonj rengz hwnjguh aen Guengjsae gyaunde sevei cujiy miz daegsack Cungguk seizdaih moq, haenqrengz raiz biencieng Guengjsae cienzmienh hwnjguh aen gukgya yendaiva sevei cujiy.

Bineix doxdaeuj, vih caenh-itbouh gik gyoengq dangjyenz ganbu gyaenz gangjvei gingq saehnieb、gaenxguh vih beksingq、seuqcingh souj gijliz、fouzsei okrengz, ginggyaq Swcigh Dangjveij doengzeiq, Swcigh Gijveij Genhveij、Swcigh Dangjveij Cujciz Bu、Swcigh Dangjveij Senhconz Bu lienzhab guh aen hozdung bingzsenj byaujcangh bouxvunz senh-

cin gaenxguh seuqcingh, gak gaep gak bouhmonz daengx gih bingzsenj ok 2674 boux yienghndei gaenxguh seuqcingh, doigawj 124 boux vunzdeqsenj bouxvunz senhcin gaenxguh seuqcingh Guengjsae, caemhcaiq daiq ndawde bingzsenj ok 49 boux bouxvunz senhcin gaenxguh seuqcingh Guengjsae.

Hai hoih gaxgonq, Fan Yaujli、Fangz Lingzminj bae raen daengx-cungq bouxvunz senhcin gaenxguh seuqcingh Guengjsae. Cwngh Vanmingz、Cau Lozciz、Couh Cwngzfangh、Hoz Sinhging camgya mizgven hozdung.

(Vangz Cunhnanz Vei Hwngz)